

Enformaziuns y Comunicaziuns



Domègna dal Ori: Cösta sabeda 27.03. pó düc jí a se do le belorí pal Eurospar Sauter, motü a desposiziun dal Zënter Families adöm coi patruns dla botèga. An podará ince se tó les vètes blances y gheles, por fá adöm con i mituns na picia granara por familia, (con le ponsier da nia tó massa trep patüc, a na moda che düc pói nen ciafé assá).

Pasca: En Pasca vègnel tigní dōes mēsses da festa, la Mēssadora ales 6:30 y la Gran Mēssa ales 10:00. Al gnará ince benedí le signé. Aladō dles desposiziuns dla Diozeja, é la jont periada da se tigní le cēst dal signé te proca.

Bancarella dal Mangé: Al vën recordé che la Bancarella dal Mangé é daverta vigne vëndres dales 9:30 ales 11:00, tal local dal Zënter Families Mareo. I sēis bel enviés da storje pro a se tó de bona spēisa, debann. Chi co ne sciafia nia o n'ó nia gní de porsona, pó telefoné anter la jōbia sēra al 333 4762010, spo i vègnel condüt le patüc.

Fodara Vedla: Le Comun de Mareo chir en famēi/na famēia por la munt de Fodara Vedla: zirca dai ultimi de jügn cina mez setēMBER. Che co ess enteres, é bel periés da s'anunzié te Comun al 0474 503755.

Preparaziun al maridé: Le Sorvisc ai Jogn Val Badia mēt da jí i „Dis de preparaziun al maridé“, dala sabeda ai 29 de má ales 9:00 cina ala domègna ai 30 de má ales 16:00. Le curs é por ladin (a pert le referat dla efun Julia Cappelletto, co é por todēschi). Le program prevēiga referac y formaziun tai ciamps dla comunicaziun, relaziun, spiritualité, sanité y dērt. I refēnc sará Lois Kastlunger (coordinadú), Signor Markus Moling (preo), Christian Pedevilla (avocat) y Julia Cappelletto (efun). Le curs é limité a 14 pērs y por che la prenotaziun á valüta, ésun periés da telefoné te Sorvisc ai Jogn al 0474 523070 anter i 13 de má. Le cost é de 180,00€ a pēr (curs + 2 iadi marēna).

„I crēii che Dio operēies tres sū sanc“

Önn co se damana te na manira particulara l'aiüt de Sant Ojep é Papa Francēschi. I mo recordi ciamó avisa che, da mia vijita „ad limina“ d'aorí 2013, en mēns do che al ea gnü lité, ál dit a nos vēschi che al á na statua de Sant Ojep te so ofize. La particularité de cōsta statua é che ara mostra en Ojep co dorm. Papa Francēschi á cunté che al scrí tres endō sū fistidi y sōes preocupaziuns sōn de pices zetoles y les mēt sot al plomac de Sant Ojep. Dlun rienn á le Papa ciamó dit: „Les zetoles vën tres deplü“. Y al á enjunté en confidonza: „I crēii che Chël Bel Dio operēies tres sū sanc. I sun dla convinziun frēma che Sant Ojep, co á desco misciun de vita le compit da ciaré de Maria y Gejú, ne se desmoncia nia de me, de os, de dōta la Dlijia.“

Por interzesciun de Maria, Oma de Dio y de Sant Ojep ves benedēsces y ves acompagnes l'Idio tla Trinité co nes conēsc, operēia danter nos y ne se desmoncia nia de nos. Con cōsta crēta y con cōsta speranza podunse ti jí adencuntra ai dis da Pasca de pasciun, mort, sopoltōra y ressozeziun de Gejú, ala festa dles festes.

Fora dla lētra pastorala dal Vēsco Ivo Muser, por la festa de Sant Ojep



Plata dla Ploania Al Plan de Mareo San Vigile

Ploan: Signor Klaus Sottsas
E-Mail: ksottsas@rolmail.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann B

28.03.2021 - Domègna dal Ori - Edema Santa

nr. 18

Benedí chël co vën, tal ennom dal Signur

Dal Vagnele do San Merch 11, 1 - 10

Al ea valgügn dis dan la festa de Pasca. ¹Canch'ai roâ dlungia lerusalem, a Bèttaghe y Betània sōn la Munt dal Ori, á Gejú orcé dui discepui danfora. ²Al ti á dit: Jide tal paisc co é dan os; atira canch'i roēis ete, ciararēise en müsc taché sōn chël ch'al n'é ciamó sté degügn co s'á sonté. Destachedele y condüjedele adalerch! ³Y sce zacai ves dij: Ci fajēise pa tló?, spo respognede: Le Signur l'adora; al le condüjará defata zoruch. ⁴Sōn chēra éσαι jüs y á ciafé dan na porta sōn strada en müsc jonn taché, y ai l'á destaché. ⁵De chi co ea danló ti á dit: Ci ves tomel pa ete da destaché cōsc müsc? ⁶Ai ti á respognü ci che Gejú ti á dit, y an i á lascé fá. ⁷Ai á condüt le müsc jonn da Gejú, á motü sū guanc sōn le tier y spo s'ál sonté lassora. ⁸Y trec destenea sū guanc ia por tru, d'atri tirá ia brüsces dai ciamps y les sternea ia por tera. ⁹La jont co ti jea danfora y co ti jea do scraia: Osanna! Benedí sides chël co vën tal ennom dal Signur. ¹⁰Benedí sides le rēgn de nosc pere Davide co vën sēn. Osanna alalt! **Parora dal Signur! - Lalt a te, Gejú Crist!**



Dal Salm dla domègna



Mio Dio, mio Dio, ciodi m'aste pa tralascé? - R

Düc chi co mo vēiga mo coiona,
ai entorj i slef y ciügna.

„Al s'á lascé sōle Signur por che èl le salves.
Èl dess le delibré sc'al á plajēi empara! - R

En gröm de cians roda encēr me ia,
en tlap de malfaturs mo encertlēia.
Les mans y i pīsc ai mo porfora.

Düc mi osc mo cumpēdai;
ai stá a coriosé y da m'odēi ensciö s'la godai - R

Oraziun dal dé



Periun! Dio onipotēt y etern, olghenn a tōa orenté, é nosc Redentur donté porsona umana; al s'á arbassé y s'á umilié sot l'infamia dla crusc. Dēidesse da ti jí do sōle tru de sōa pasciun, por podēi tó pert a sōa ressozeziun. Do cōsc te periunse por nosc Signur Gejú Crist, to Fi, co é Dio, y vir y regnēia con te tla unité dal Spirit Sant, por düc i secui dai secui. **Amen.**

Edema liturgica dai 28.03. ai 04.04.2021

DOM 28.	Domègna dal orí FESTA DAL INGRES DE GEJÚ A IERÚSALEM <i>Guntram, Wilhelm, Ioana</i>
08:30	<i>s.m. a La Pli</i>
10:00	Benedisciun dal Orí sò dal paiun Gran Mëssa por dōta la ploania <i>oferta por la ploania</i> LAD dal ann por +nc' Maria y Franz Comploi +nt Vighile Erlacher da Torpei - +nta Edelgard Steck Ties +nc' Franz Ties y y Erna Rieder - +nc' Vighile y Mima Ties da Ras
18:00	Les Staziuns
Lön 29.	<i>dl'edema santa Helmut, Wilhelm, Ludolf</i>
18:00	S.M. dal ann por +nt Egon Federa DEU dal ann por +nt Albert Mutschlechner dal Pech dal ann por +nta Angela Federa +nta Angela Erlacher Terrabona - +nta Monica Erlacher
Ded 30.	<i>dl'edema santa Diemut, Roswita</i>
18:00	Funziun penitenziala
19:30	Corona
Dem 31.	<i>dl'edema santa Cornelia, Guido, Benjamin</i>
18:00	Les Staziuns
Jöb 01.	JÖBIA SANTA <i> Irene, Hugo, Gilbert - de d'oraziun do vocaziuns</i>
19:30	S.M. +nt Pire Sottrovich - +nt Cristiano Comploi LAD +nta Ida Erlacher
Ven 02.	VENDES SANC <i> Francesch de Paola</i> → <i>jaín y astinonza dla cern</i>
15:00	Funziun dal vendres sant LAD
20:00	Meditaziun
Sab 03.	SABEDA SANTA <i> Richard, Elisabeth Koch</i>
20:00	S.M. +nt Angelo Ploner dal Flò - +nc' Erlacher de Corcela LAD ad intenziun y rengraziament por Fam. Erardi Oswald y Christine por Fam. Mutschlechner Roland y Clara
DOM 04.	GRAN FESTA DE PASCA <i>Isidor, Konrad, Heinrich Richter</i>
6:30	Messadora con Benedisciun dal Signé DEU en onú dal Spirit Sant - en onú de S.Antone y S.Florian por se stravadé dal mé de fù y dai prighi
08:30	<i>S.M. a La Pli</i>
10:00	Gran Mëssa por dōta la ploania con benedisciun dal signé LAD <i>oferta por la ploania</i> dal ann por +nt Anselmo Ferdigg +nc' Cecilia y Feghile Rungger por la pêsc - por vocaziuns da preo y mognans

Domègna dal Orí

Gonot nes damanunse desche an pó scombate le mal y porté ennant le bun. I podun tó en ejompl da Gejú: Èl ne vá nia a Ierusalem nobl a ciaval, mo sön en müsc. Por la jont enlaota significâ cösc: Èl operèia la salvèza con umilté y sonza poténza. Les rames benedides dal bel orí nes recorda Crist, le Re dla pesc y la forza de sōa benedisciun.

Tony Schreiber



Über dem Weg

des Palmsonntags liegt schon der Schatten des Kreuzes. Ich glaube, Jesus wusste das und hat sich von der Begeisterung der Menschen - so ehrlich sie auch war - nicht täuschen lassen. Er reitet nach Jerusalem im Wissen um das, was kommt - und nimmt es an. Nimmt den kommenden Weg an als den wahren Weg, nicht als den, den er am liebsten gegangen wäre. Der wahre Weg ist der, den ich annehme als den meinen und mit Haltung und Tapferkeit auch dann zu gehen versuche, wenn es nicht mein liebster Weg sein sollte.

Tomp por l'orientamont nō

Chël co vir valgamia acort y mèt averda ai sègns dal tomp, sont, canche en cambiamont de vita é daimpró: En travert belo dio aspeté, é atló; En dejier vègn realté, na delujiun: entrami porta cambiamont, damana orientamont nō. Sunsi bun/a da ti tigní bot? Me capiará pa les porsones, che mo stá dlungia? Gnaráres pa ennant le tru con me? Sarunse bogh da superé la crisa? LA DOMÈGNA DAL ORÍ é na bona ocajiun da ponsé sora cōstes domandes.

I festejun Gejú co vègn

tut ete a Ierusalem. Tles mësses dai dis dal'Edema Santa le acompagnarunse sön so tru, mēten man con sōa entrada te Ierusalem y slüjenn jō con le sepolcher öt. (Sb)

Edema Santa

Con la Domègna dal Orí mēt man l'Edema Santa.

Jöbia Santa

Oraziun dal de - Periun! Onipotēt, etern Idio, la sēra dan sōa pasciun á to Fi sorandé ala Dlijia le sacrificze dla nea y eterna aleanza y á istituí le past de so amur: fá che la partezipaziun a coesc gran mister nes dais plenèza de vita y d'amur. De cösc te periunse, por nosc Signur Gejú Crist, to Fi, co é Dio y vir y regnèia con te, tal unité dal Spirit Sant, por duc i secui dai secui. Amen.

Vëndres Sanc

Oraziun dal de - Periun! Recordete, Signur, dles gran operes de tōa misericordia. Santifichèia y ciara de tōa familia: por èra á to Fi, Gejú Crist, dé ca so sanch y inauguré le mister de Pasca.

Sabeda Santa

dal Salm 118

Aleluia, aleluia, aleluia. Rengraziède le Signur, èl é plègn de bunté. lu ne moriará nia, mo i viará por encündé les opres dal Signur.